

PUOGAE YA MOPHATO 2

Bubu o a latlhega



SETSWANA



Buka

I



Puiso e e kaelwang ya ditlhophha

Pele ga puiso

- Phetla kgang e ba tlaa e buisang.
- Kopa barutwana gore ba bolelele kgang pele ba lebeletse setlhogo le ditshwantsho.
- Itsise barutwana ka ga mafoko a mašwa le a a bothata pele ba buisa kgang.

Puiso ya ntlha

- Barutwana ba tshwanetse go buisa buka ka bongwe ka bongwe.
- Barutwana ba tshwanetse go buisa ka tidimalo kgotsa ba ka nna ba 'sebaseba fa ba buisa' buka.
- Tsamaya, tsamaya go tswa mo morutwaneng mongwe go ya kwa go yo mongwe, o kopa morutwana mongwe le mongwe go buisetsa karolo ya sekwalwa kwa godimo.

Motlotlo

- Botsa dipotsa tsa tekatlhaloganyo tse di ikaegileng ka buka.
- Tsepamisa matlho mo medumopuong, mafokong a tlwaelo le tlotlofokong.
- O tlaa fitlhela ditirwana tse di kwa morago ga buka e di le botlhokwa le mosola go kaela motlotlo wa phaposi.

Puiso ya bobedi

- Mo malatsing a a latelang, letla barutwana go buisa buka gape, ka sebedi (dipara) kgotsa ka bongwe ka bongwe. (Tlhophha ditirwana tse di lekaneng maemo a barutwana)
- Tsepamisa matlho mo kelelong ya puiso, thutapuong le mo tlotlofokong.
- Letla barutwana go feleletsa ditirwana tse di kaelwang tsa ditlhophha tse di tsenyeleditsweng kwa morago ga buka e. (Tlhophha ditirwana tse di lebaneng maemo a barutwana)

Letla barutwana go diragatsa
kgang fa e ba letla go dira jalo.



Barutwana ba tshwanetse go dira ditirwana tsa puiso ya ditlhophha morago ga puiso. Letla barutwana go bereka kana go dira ka ditlhophha go feleletsa ditirwana tse di maleba tsa puiso ya ditlhophha tse di tsenyeleditsweng kwa morago ga buka. Ga ba a tshwanela go kwala mo bukeng e. Ditirwana tse di kwadiwang di direlwae mo dibukeng tsa bona tsa dithutiso.

Bubu o a latlhega




Bogologolotala, ditlou tsotlhé di ne
di na le dilopo tse dikhutshwane.

Letsatsi lengwe ditlou di ne di
ntse di ja.

Bubu, ngwana wa tlou, o ne
a tsamayatsamaya mme a
katoga balelapa la gaabo. O ne
a tsamaya, a tsamaya a bo a
tsamaya. Ga a a ka a ba utlwá
fa ba ne ba mmitsa.


"Ke batla go bona lefatshe."
Ga bua Bubu.



Ka nako e khutshwane fela, Bubu
o ne a setse a latlhhegile. "Ke batla
balelapa la gaetsho," ga akanya
Bubu.

Ka bonako o ne a kopana le tau.

"Nnyaya. Ga o na meno a magolo e
bile ga o kgone go rora.
O tshwanetse go ya go batla
mmaago," ga bua tau.



Jalo gee, Bubu o ne a kgokologela kwa nokeng kwa a kopaneng le kubu teng.

Bubu o ne a botsa kubu, "A ke kubu? A ke mongwe wa gago?"


"Nnyaya, ga o ka ke wa kgonago robala mo metsing. O na le ditsebe tse dikgolo mme nna ke na le ditsebe tse dinnye. O tshwanetse go ya kwa go mmaago," ga bua kubu.



O ne a tswelela fela jalo go fitlha
a bo a kopana le thutlwā. O ne a
lebelela kwa godimo, kwa godimo
kwa go thutlwā.

Bubu a botsa thutlwā,
“A o mme wena?”
“A ke mongwe wa losika lwa
gago?”


“Nnyaya. O na le molala o
mokhutshwane. O tshwanetse
go ya kwa go maago,” ga bua
thutlwā.



Mme a nna a tsamaya, a bo a
tsamaya go fitlha a kgopiwa ke
khudu. O ne a lebelela kwa tlase
kwa go khudu.

"A ke mongwe wa losika lwa
gaeno?" ga botsa Bubu.

"Nnyaya. Ga o tsamaye o sikere
ntlo ya gago mo mokwatleng
gongwe le gongwe kwa o yang
teng." "O tshwanetse go ya kwa
"go mmaago," ga bua khudu




Bubu o ne a goroga kwa nokeng
mme a bona kwena. Kwena e ne
e batla go ja Bubu ka nako ya
dijotshegare.

Bubu a botsa kwena.

"A ke mongwe wa losika lwa
gaeno?" A ke ngwana wa
gago?"

"Atamela gore ke tle ke go
bone sentle," ga bua kwena.


Bubu o ne a tsena mo metsing a
tsamaela kwa go kwena mme ...



Kwena e ne ya tshwara Bubu ka nko. Kwena ya goga ya bo ya goga.

Ya re ka sona sebaka seo, mmaagwe Bubu a bona ngwana wa gagwe. "Tlaya re tsamaye ngwanaka!" a goa, a goeletsa kwena. A gogela Bubu kwa ntle ga noka ka mogatla.

"Bubu, ngwanaka! O ntse o le kwa kae?" ga botsa mmaagwe Bubu. Ka kutlobotlhoko Bubu a "Ke ne ke ntse ke go batla."



"Ijoo! bona selopo sa me se seleele," ga bua Bubu. "O ka re ke sematla."

"O se ka wa tshwenyega," ga bua nonyane e nnye. "O ka nna wa dirisa selopo sa gago se se leeledi leeple go itshela ka metsi mo mokwatleng le go fula maungo mo setlhareng", ga bua nonyane.

Bubu o ne a tsamaya a ntse a akga selopo sa gagwe. O ne a ntse a tshameka a itumeletse selopo se seleelele sa gagwe. Fa ditlou tse dingwe di mmona, le tsona tsa eletsa go ka nna le dilopo tse dileele. Ditlou tsotlhhe di ne tsa swetsa go

taolosa dilopo tsa tsona le tsona.
Le go fitlhha gompieno, ditlou tsotlh
di sa ntse di na le dilopo tse dileele.




Bubu ga ise a ke a tlhole a
tsamaela kgakala le balelapa la
gagwe gape.

One a itse gore ena ga se tau
kgotsa kubu. Ga se thutlwa
kgotsa khudu. Gape ena ga se
kwena.

Ena ke Bubu, mme ena ke tlou.
Ena ke losika lwa ditlou.

"Nna ke tlou," ga bua Bubu.

**Itumelele go nna wena ka
sebele!**





Dintlha ka ga diphologolo

DITLOU



1

Ditlou tse ditonanyana le tse ditshegadi tsa Aforika tsoopedi di na le dinaka. Di dirisa dinaka tsa tsona go epa le go batla dijo.



2

Ditlou tse ditonanyana di bidiwa dipoo. Ditlou tse ditshegadi di bidiwa ditlou. Bana ba ditlou ba bidiwa dinamane.



3

Tlou e kgolo e kgon a go ja dijo go fitlha 300 kg ya dijo mme e kgon a go nwa metsi a a kana ka dilitara di le 160 ka letsatsi.



4

Setlhophpha sa ditlou se bidiwa motlhape.




5

Ka tlwaelo, ditlou di robala diura di le 2 kgotsa 3 ka letsatsi.



6

Ditlou di kgona go utlwa go poroma ga tse dingwe fa di bitsa sekgala sa bokgakaleng jwa dikilomitara di le 8.



7

Ditlou tsa Aforika di na le serwe sa go nkgelela se se bogale. Di kgona go nkgelela metsi go tloga bokgakaleng jwa dikilomitara di le 19.



8

Tlou e kgolokgolo e e kileng ya rekotiwa e ne e le bokete jwa dikilogeramo di le 10 886 mme e le boleele jwa dimmitara di le 3,96.



9

Ditlou di kgona go dirisa dilopo tsa tsona go ikgasa ka metsi a a tsididi fa go le mogote thata.



10




Ditlou di kgona go fisiwa ke letsatsi, ka jalo di itshireletsa ka motlhaba le seretse.

Ditirwana tsa ditlhophha



1

Bua gore ke setshwantsho sefe se se tlang la ntlha, la bobedi, la boraro le la bofelo. Morago o dirise ditshwantsho go go thusa go tlottlela tsala ya gago kgang e.



2



Buisa dipotso mme o di arabe le tsala ya gago:

- Naya setlhogo sa kgang e?
- Moanelwamogolo ke mang?
- Go buiwa ka diphologolo dife mo kgannyeng e?
- Go ne ga diragala eng ka ga ngwana wa tlou?
- A o akanya gore kgang e ke ya nnete?
- Mafoko a "A ke wa losika lwa gago?" a tlhagelela gakae mo kgannyeng e?
- A o ka kopa kwena go go thusa?
Naya lebaka la karabo ya gago.



3

Dirisa mafoko le ditshwantsho go go thusa go feleletsa dipolelo tse. Kwala dipolelo tse mo bukeng ya gago ya dithutiso.



thutlwa

khudu

tau

kwena

Bubu

"A o mme," ga botsa _____.

_____ e na le molala o moleele.

_____ e rwala ntlo ya yona mo mokwatleng.

_____ e ne e batla go ja Bubu.

_____ e kgonà go rora e bile e na le meno a magolo.



4

Feleletsa tirwana e mo bukeng ya gago ya dithutiso.

- a. Batla mafoko a a nang le medumo e e latelang mo kgannyeng mme o a kwale fa fatshe:

ae ee ou ua

- b. Kwala maina a diphologolo tsotlhе tse di mo kgannyeng e. Dirisa phegelwana magareng ga lefoko le lengwe le lengwe.
c. Kwala mafoko a a mo kholomong ya ntlhа. Morago o kwale mafoko a a rumisanang le lengwe le lengwe la ona.


rora	bora	kora	raga
ngwana	kgongwana	molongwana	pidipidi
tlou	pou	pane	ditlou

- d. Kwala dipolelo di le 4–6 ka ga se se diragaletseng Bubu.



5

Naya leina la sengwe le sengwe sa ditshwantsho tse. Lefoko lengwe le lengwe le tshwanetse go nna le modumo **ou**.



PUOGAE YA MOPHATO 2



Buka I

Leina kana setlhogo:	Bubu o a latlhega
Puo:	Setswana
Maemo:	Padiso ya Puogae ya Mophato 2 Maemo 2 Buka 1
Mofuta wa sekwalwa:	Kanelo
Mafoko a tlwaelo:	ne, bona, wa, rile, ile, fitlha, batlile, kopile, kgone
Tlotlofoko:	ditlou, dilopo, tau, rora, kubu, thutlwa, khudu, kwena, mokwatla, tshwara
Medumopuo:	ts, th, tlw, kh, ee, ea, ai, oo, kg, tsh, kw, ph, aa
Diteng, mareo le bokgoni:	<ul style="list-style-type: none">▪ Tlotla kgang gape o dirisa ditshwantsho▪ Buisa o bo o araba dipotso tsa tekatlhaloganyo▪ Feleletsa diforeimi tsa dipolelo o dirisa ditshwantsho le mafoko▪ Lemoga mafoko a a rumisanang▪ Batla mafoko a a nang le medumopuo e e latelang go tswa mo kgannyeng: ou, au, ee, ea, oa▪ Dira lenaneno la diphologolo tsotlhe tse go buiwang ka tsona mo kgannyeng o dirisa phegelwana.▪ Kwala dipolelo di le 4-6 ka ga kgang e.▪ Kwala ditlhogo tsa ditshwantsho

CAPS e batla gore barutabana ba beele kwa thoko nako e e rileng ya go tota puiso ya ditlhophpha e e kaelwang letsatsi le lengwe le lengwe. Puiso ya ditlhophpha e e kaelwang e batla gore barutwana ba maemo a a tshwanang a puiso ba buise temana e e tshwanang ba le mo ditlhopheng tsa bona ka fa tlase ga bokaedi jwa morutabana.

Morutabana o tshwanetse go rulaganya nako ya go buisa gore e akaretse thuto ya mafoko a a rileng le mekgwa ya go tlhaloganya e barutwana ba tlaa e tlhokang fa ba buisa.

Mekgwaa e gape e batla 'puisano ka ga sekwalwa' magareng ga morutabana le barutwana le magareng ga bana mo ditlhopheng ts abona. Dibuka tse di akaretsa ditirwana di le mmalwa tsa 'puisano ka ga sekwalwa'. tekatlhaloganya le ditirwana tse dingwe tse di tsamaelanang go thusa morutabana go kaela puiso ya ditlhophha mo diphaposiboruteleng tsa bona.

ISBN 978-1-4315-2650-5



ISBN 978-1-4315-2650-5



**THIS BOOK MAY NOT
BE SOLD.**



basic education

Department:
Basic Education
REPUBLIC OF SOUTH AFRICA

Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

Dibuka tse dingwe tse di
mo Šelofong ya Puogae ya
Mophato 2:



Sisi o iponela tsala e ntšhwa

Ke botshelo jwa ntšwa

Pitse e tilodi e bone
methaladi jang?

Jerry o rata go buisa



Bubu o a latlhega

Ke seo ditsala di tshwanetseng
go nna sona

Pidipidinyana e e maswe



Baesekle e ntšhwa ya ga
Bakang

Diphologolo di ya kwa
lewatleng

Wendy Leruarua o boloka
botshelo